

sterni (♂) vel coxarum intermediarum (♀) attingens. Antennae mox infra apicem oculorum interne insertae, articulo primo apicem clypei attingente (♂) vel subattingente (♀), secundo latitudini basali pronoti fere aequalongio (♂) vel hac paullo longiore (♀ brach.), versus apicem praecipue in femina distincte incrassato, duobus ultimis simul secundo longioribus. Pronotum sub-laeve, callis bene discretis, maris basi longitudine vix magis quam dimidio latius, versus apicem leviter declive, lateribus rectis, apice quam basi circiter  $\frac{2}{5}$  angustiore, feminae brachypterae horizontale, versus apicem levissime angustatum; margine basali medio late sinuato. Hemielytra maris subparallela, nigra, vitta lata corii juxta suturam clavi sordide albido-flavente in angulum interiorem apicalem corii continuata, membrana nigricante, dimidio basali plerumque sordide albido-flavente, venis maculisque nonnullis nigro-fuscis; feminae segmentum sextum dorsale sub-attingentia, apice versus suturam oblique late rotundata, sutura clavi sub-distinguenda, incisura laterali cunei distincta. Pedes toti nigri.

#### 4. *Orthocephalus niger* REUT.

*Diagn.*: Totus niger, pedibus obscure fuscis vel nigricantibus, supra nigro-setosus, pilis argenteis divellendis tectus; vertice marginato oculo duplo latiore (♂); antennis articulo secundo gracili apicem versus vix incrassato primo circiter triplo longiore, tertio primo solum circiter  $\frac{1}{5}$  brevior; pronoto scutelloque sublaevibus; ipsa sutura clavi angustissime pallida. Long. ♂  $5\frac{1}{2}$  mm.

*Syn.*: *Orthocephalus niger* REUT., Öfv. Finska Vet. Soc. Förh. XXI, 203, 9! Fedtsch. Hem. Turk. 17, 1!

*Hab.* in Turkestan (Varzaminor!), D. FEDTSCHENKO.

*Descr.*: Ab *O. mutabili* FALL., cui colore antennarum pedumque similis, illarum articulo secundo graciliore, coloreque hemelytrorum distinctus; ab *O. saltatore* HAHN corpore longius et densius nigro-setoso, pedibus obscurioribus, praecipue autem vertice latiore distingvendus. Corpus nigrum, modice nitidulum, supra longe nigro-setosum, pilis squamiformibus argenteis vel albis divellendis dense vestitum. Caput cum oculis basi pronoti tantum fere  $\frac{1}{4}$  angustius, latitudini cum oculis aequalongum, vertice basi arcuato-marginato, usque a basi cum fronte et clypeo in arcum communem confluenta, clypeo basi parum discreto, basi in linea inter bases antennarum ducta; gula sat longa; vertice maris acuto oculo duplo latiore. Rostrum coxas intermedias attingens, piceo-nigrum. Antennae corpore cum hemielytris circiter  $\frac{1}{3}$  breviores, nigrae, longe nigropilosae, mox infra apicem oculorum insertae, articulo primo latitudine verticis circiter  $\frac{1}{4}$  brevior, secundo primo circiter triplo longiore, latitudini basali pronoti longitudine aequali, lineari, gracili, duobus ultimis simul sumtis secundo longioribus, tertio secundo solum circiter  $\frac{1}{5}$  brevior (♂). Pronotum apice longitudini latitudine sub-aequale, basi longitudine minus quam duplo latius, lateribus rectis sat angustatis, longe nigro-setosum, callis discretis, disco postico sub-laevi. Hemielytra nigra, tantum ipsa sutura clavi angustissime pallido-pellucente, membrana tota nigricante, venis nigris, areola majore, di-